

Ս. Փրկչի վանաց՝ եւ զգլուսն եկեղեցւոյն . և 'ի գիշերին յայնմիկ՝ յետ դատարկելոյ զկարասիս վանաց, կողոպտեցին նաեւ զեկեղեցին . յափշտակեալ զեկեղեցական սպասս, և ոչ թողին անդ և ոչ մի ինչ : Լուեալ Գրիգորի Պատրիարքի, չոքաւ անդ և ետես զեղեալսն . եկն և դատաւոր քաղաքին և ետես զայրեալ դրունսն . զի ելանէր տակաւին ծուխ 'ի խանձողաց, եւ զվանքն մերկացեալ . եհարցց Գրիգոր և ասէ՝ ունի՞ս յայտնի թշնամի զոք . և կամ յոյր վերայ հաստատեալ ես զկարծիս քո . և նա ասէ՝ թշնամացեալ են ինձ Շէյխ Սալէհ Տէճէնի եւ Շէյխ Թաճէտտին՝ ընակիչք Սիոնի . յազաքս պարտուց, որոց վճարումն եղեւ ըստ մտաց արքունի հրովարտակին : Սակայն դատաւորն չկարացեալ ասել եւ կամ առնել ինչ, դարձաւ 'ի տեղի իւր . միայն զեղեալսն հարեալ 'ի դրի, ետ 'ի ձեռս Գրիգորի . 'ի ՎՊ Րէպիւէվիլէ ամսոյ՝ ՎՊՊ (1613) : Իսկ Շէյխ Սալէհ չառեալ յագուրդ յաւարէ եկեղեցւոյն, ձեռն արկ յայլ իմն գործ մնասակար ընդդէմ քրիստոնէից : Զի նախնիք սորա ընկալեալ էին զվերականգութիւն կալուածոց Սիւլէյմանայ արքայի, վարել զայն յորդւոց յորդի : Սա զնացեալ առ դատաւորն տմրաստան եղեւ զքրիստոնէից . և խնդրէր կոչել յատեան զԱստուածատուր վարդապետ զվերատեսուչ վանաց Ս. Փրկչի . զփոխանորդս Լատինաց՝ Յունաց՝ Գալթոց և Ասորւոց . ասլա ասէ, բովանդակ արտն և պարտէզքն՝ արտաքոյ պարսպի քաղաքին 'ի չրջապատս Սիոնի . յարակից չիրմի Մարգարէին Դաւթի . և այլ կալուածք՝ աւանդեալ են Շէյխ Ահմէտ Տէճէնեայ յարքայէն Սիւլէյմանայ . մին շ'ի բազմաց անտի՝ է արտն՝ յոր թաղեն քրիստոնեայք զմեռեալս իւրեանց, տհաւասիկ սահմանք նորին . 'ի հարաւոյ՝ այգի Գասարայ . յարեւելից՝ այգի Սալէհին մինչ յորմն Ս. Փրկչի . 'ի հիւսիսոյ Զիթենեաց պարտէզն Հայոց, յարեւմտից՝ պարտէզն՝ ուր է գերեզմանն Բագոսի . մինչ 'ի բլուրն՝ որ հայի 'ի վերայ աւազանին Սուլթանին . (զայս պարտէզ գնեաց Յակոբ Զէլէպի թարգմանն Հայոց, եւ խառնեաց 'ի գերեզմանատունն) . տես 'ի դատաստանական գիրս, ՎՊՎ (1636) : Ասլա մատոյց զգիր դատաւորին, զոր առեալ էին 'ի Ժամանակ Արքունի հրովարտակին . յորում հրամայէր քըն-